

РУСКИ НОВИНИ

ЗА РУСИНОХ У КРАЛЪОВИНИ ЈУГОСЛАВИЈИ

Рок VII.

Нови Сад, пияток 17. Јануара 1930.

Ч. 2 (257)

3 новим роком — нове щесце.

Барз ше вельборз чую таки слова: Яки нешка чежки часи! Вельки порци, невиповедзена драготня у шидким, цо треба купиц, а туне шидко, цо можеме предац.

А чи Ви, добри читателе наших Руских Новинох, наисце жадаце себе у новим року нове щесце, лепши часи? Но видаиш ти Його, подудре себе не еден читатель: та хто би себе не жадал лепши часи! Але як их посцигнеме? Управо на тот вопрос я жадам дац отвит. Хто сце най попробуе, и побачи, же за нго буду наисце лепши часи. Мой отвит слѣдуюци:

1) Будзѣме ми сами иньшаки, на ше дораз времена и нещешливи часи. А як треба да ше ми пременѣме? Перше и перше най кажди будзѣ у новим року вельо вреднейши, як цо бул до тѣра. „Вредносц то мати щесца!“ Друге: най кажди баржей шпоруе у новим року там, дзе треба и дзе мож шпоровац.

бо „мудре шпоровац то фундамент, благобития“. Трѣце: най кажди памета, же кажди динар ма свою барз вельку цѣну, бо вон закладом векшей суми. „Хто мудро и добре ракуе, тот добре гаѣдуе“.

А тѣра ше обрацам гу Вам, руски жени, и Вам шидким пишем тоти даскельо слова. Добре паметайце шидки, же

а) руски жени закладни слупи нашого народу. Най ше кажда руска жена стара, да будзѣ сама здрави и моцни слуп руского народу и да виховуе здраве и моцне поколѣне рускому народу. Жени не будзѣ марно-тратни и верозумни.

б) Паметайце шидки на присловку: „дѣе пиха в гордосцу и в парадѣ фриштикуе, так в худобством полудноуе, а зѣс ганьбу вечера“.

2) Учиѣ ше шидки! Добре паметайме на то, же хто вида 10, 20 або и 100 Динари на добри повини, на добри книжки, тот не розоруеуе пенѣж, але уклада капитал на вельки проценти. „Бистра ше глава нѣгда не страца, а глупого вше и вшадзи бию“.

3) З новим роком най будзѣ вшадзи меней вшѣляких комендийох, меней ганцох, меней куреня, меней пѣльѣнки, меней гадвабу... а вѣцей аложносци, вѣцей пожертвовносци, вѣцей доброго вихованя у фамилийох, вѣцей шпоровосци...

4) З новим роком най кажди в Богом започне старац ше о благобитие са себе и за свою фамилию. Дзе в благобитие у народу, там и сила. Заможни народ не препѣда.

Кед будзѣме в Богом започинац свойо работи, в Богом оконьчовац и в Богом доконьчовац, тѣди ше бизовно времена днешнѣ чежки часи на лепши часи.

Най будзѣ шидким читательом Руских Новинох щешливи и полии Божого благословеня тот нови рок!

Наших претплатнѣкох

модлѣме да нам цо скорей пошлю претплату, а длужнѣкох опоминѣме, да намиря такой свойо длуство. Читац новини а не плацц то знак неспросниченосци.



Поклонствени депутациѣ. Прешлого тижая прил Його Вел. Краль поклонствени депутациѣ Дринскей, Дравскей и Дунавскей бановини.

Маѣток розпущеных дружтвох. Законом о соколу кральовини Югославни дана приложитосц, же би шидки гимнастически дружтва могли ше соединѣц. Маѣток дружтвох, котри ступя до Сокола преходзи до новей организациѣ, а маѣток тих дружтвох, котри неспцу ступиц до „Сокола“ припаднѣ тим цильом, котри означени у правилох.

Добре наредзѣне. Варош Карловац одредзел, же шидки срески и опциѣнски лѣкаре муша два раз у мешацу отримѣц народу практичне преподаване о чуваню здравля. Так би требало вшадзи запровадѣц.

Чежки либи. Апелациони суд у Београду ма судзиц Благою Кадовичу, котри як державни званичнѣк дараз краднул и спреведѣл. Списи у котрих ше доказую дѣла Кадовича запаковани до 12 вельких пакѣтох, котри ведно чежки 173 кило. Наисце чежки либи.

Пѣгави тифус появил ше у Сенти мѣдзи цыганѣми. Полиция цыганох одредла до шпиталю. Там их поштригали и окуцали а их черги спалѣли. Власци шидко робл, же би ше тѣта опасна хорѣта далѣй не ширѣла.

Лѣчене пиянѣцох. По закону, котри уж обязуе каждого од 1. јануара, за пиянѣцох основане едно окремне заведение при державних цемнѣцох у Лепогла-

ви, Бегуни и Пожареву. Так же пиянѣци хлопи буду ше лѣчиц у Лепоглави а пиянѣци-жени у Бегуни и Пожареву.

Нешка 100 динари предвоѣнскогo виданя лѣжко ше могу заменѣц зѣс 20 Дин., котри немаю пѣякей вредносци а еднакей су фарби. Понеже ше людзѣ уж у вѣцей случайох у найновших часох окламали, опоминѣме наших читательох най на то меркую.

Од диму з пѣца отровѣли ше двоѣо дѣдѣи у Туали и умарли. Пѣц бул пагопѣни зѣс угльом и вноци якои вшлѣла цѣва една в другей и дѣм пошол по хижѣ. На котро дѣзень найдзѣли дѣсци мертви.

Шверцоваѣ тепихи. У Београду влапѣни векни лаѣи полни в драгимѣ перзийскимѣ тепихѣми, котри були закручени до волни а так и писало на лаѣох, же нука волна. Вредносци тих тепихох виношуе 10 милиони динари. До того шверцоваѣя замѣшано вѣцей београдских тарговинох.

Русини у Бечкерѣку. При найновшим численю испительох варошу В. Бечкерѣку указало ше, же там живе 179 особи нашей народносци.

Трошарина на вино. Од 1. јануара ма ше поницац шидко вино як у карчмох так и приватнѣкох. Качмарѣ маю заплациц трошарину о 3 днѣ а приватни кед го почну трошиц. По закону може кажди тримац и еден магазин (лагер) и у нѣм тримац гѣч кельо вина лѣм треба ше обрациц зѣс молбу на финансѣнски власци и заплациц таксу од 500 динари.



Поучка

Мудри одвит.

Гасконецу, хитри обиватель южней французкей, пришол бул раз до Риму и то на коню, як то давно людзе ходзели, док не було железницох. Там пришол до едней карчми, привязал коня до хліва, а сам пошол вонка и розпатрал ше по Риму наоколо. Длуго остал вонка, а кед ше в поди врацел до карчми, видзел, же коня нст. Вон мирно пошел на починок. Рано станул и пошол до редакції едних повинох и там дал таке розгланенє: „Кед ми мой конь не будзе врацены за 24 годзини, я зробим так исто, як зробел мой оцц, кед му украдли коня.“

Того розгланеня франшко ше розитило по Риму. Читали го и тотя, цо украдли коня. Вони ше престрашели, же би їм ше дацо страшного не стало, и другого веча ра потайно привели коня назад до хліва, одкаля го и украдли. Гасконец ше зрадовал и поцешел, кед аж видзел свойого коня.

Кед ше го цитали: „а цо би ти бул зробел, кед би ци толвай не врацел коня?“ А вон одповед: „Бул би сом то зробел цо зробел и мой оцц, кед му украдли коня.“ „А цо зробел твой оцц?“ „Мой оцц предал шедло и пошол пешо дому. Так би и я зробел.“ Кед чули людзе таки одвит, вони ше

нашмеяли и гуторели Гасконецу же найсце мудри одвит дал, и ніхто би не могел мудрейше одвитовац.

Снаш душу свою.

Св. ава Нил жил около 1000. року на гори Гардон у долиней Италиї. Глас о його святим животу на далеко и широко ше расходзел. Превелі людзе приходзели зос далеких крайох, да видза того велького человека и да му ше препоруча до святых молитвох. Чул за того святого и млади цар Отон III, котри у тим часу бул у Риму. И вон сцел да видзи того необычного человека, па цинол з другима до пустинї, дзе святи жил. Св. Нил вельке враженє зробел на младаго цара. Кед ше цар одпитовал од святого, так му гуторел: „Жадай одомне цо сцеш, так ак од свойого сына, а и ци то видзети зробим.“ Св. Нил положел руку на плечо младаго цара и так ту ньому прегварел: „Лем едно од тебе жадам, цару:

Снаш душу свою!“


Вреднейше од злата.

Еден польски краљ сцел достац тіло св. Войтсха, котри умар як мученик у Прускей 707. року. Вон послал ту поганским Прусом вельке посланство з велькими дарами. Але Пруси за-

жадали за мертве тіло тельо злата кельо тіло важи. Посланство поаберало шицко злато, цо лем могло и положело тото злато на вагу, а у шерцу себе так думали: Ша краљ нам то шицко наплаци. Але тота страна ваги, дзе було злато, ані не зместа не рушела. — Посланство не знало, цо ма далей робиц, бо вещей злата не мали — Теди приступила една стара жена. Вона мала лем еден дукат, але и тот дукат з радосцу положила на вагу, лем да ше откупи тіло св. мученика з рукох поганских Прусом. И цо ше стало? Тота страна ваги, дзе бул тот дукат,

спустила ше аж до земли так, же було потребно одберац з тей страли ваги, да вага будзе вироната, И виберали еден фалат злата за другим, котри кладли на вагу богати и горди краљово посланники. Виберали так длуго, док шицко свойо злато не вибрани и остал сам еден едини дукат убогей жени на ваги. И вон тельо важел, кельо важело мертве тіло св. Войтсха.

Так нам описує святя история тоту ствар, да нас поучи, же Бог за святю ствари на першим месце жада добре шерцо, а не людске злато и богатство.



Широм швета.

Велька хладнота папує у шицких крайох Азиї. Як повини являю на северу од китайского главного варолу Пекинга настала така жима, же едней ноци умарло 15.000 особи. У Америци тиж велька жима.

Личене земледіліней кризи. У Женеви зинло ше на засиданіє една комесия земледіліних стручнякох зос шицких державох швета. Вони ше радаа як би виліниц нешкайшу шветову економску кризу.

Брат Папи умар. Тих дньох умар изназдавано Феррио Рати, брат св. Оца Папи Пия XI. Вон зогабел за собу гдовицу и едного сына.

Християнскя партія у Чехословакиї ше зединою

на едним програму, бо ше обачело, же и процивирект и шлебододумно-фрамасунски партія зложно виступую владзи там, дзе треба наваліц на Церкву, гоч ипшак не маю еден политически програм.

Памятник Христа-Краля. Француски католици надумали подзвинтиц вельки памятник Христу-Краљу на найвисшим верху Альох. Виберали еден валал Купо при Монблану, найвисшим брегу у Альох.

Жидовна министр финансийох. Руска лодовско-большевизка влада вибрала цаню Г. Яковлеву за комисара большевизкий финансийох. То перша жена министр финансийох.



Фельтон

Пред шесцом.

Витор дул преїг брегох, а у панцох над хторима лещели гранати були людзе живи закопани. Медзи воїнами велька жалосц, бо уж ту крачуи будзе, а вони муша ту умерад. Лали там од найнизших до найвисших, лало ше шицко, а да ше шмело лали би и цара. Рано 21. децембра 1914 було бара жимне особело ту у ***. Вышол ту воїном и Янко Шлепа. Випатрал бара шесцїна. Ша чом би не бул шесцїни?! О дае кельо днї вон будзе дома. Вон унесше сламу до хижы, вон будзе шедзиц при вechери зос свою фамелию по пейцмешачним животу у

шанцу. Бизовно войдзе, бо сам полковник Фридрих Гоних, му дал право, па ше вещей ані не враци, але зос нїм пойдзе до ***, дзе будзе лешше жиц бо неприятель уж сцекя, па ту не треба тельо воїнох. Та зато и неприятель мрує, бо в баш тей нежирней поди побити. Як ше Янкови шерцо тресло, кед подумал на под. Отровни гаси дораз видзел пред собу и жацал пойсц дому. Ту бул еци еден його селян, Ферко Шжишни. Зинли ше невака найташе и одшитуо ше бо Янко дас о годзини пойдзе зос полковником и другима, хторима цоушено пойсц дому на крачуи.

— Янко, гуторел Ферко, не забудз поздравитц мойого оца, — ах, чя го увидим — и мац — мамо моя, да знаце дзе тераз — па жену и дзечи — Боже, спаш ме! Кед пойдзеш дому не гутор им як ту живеме. — Приятель станул.

— Ферку, знаш, же им о тим гуториц не будзем, да не умру од жалю.

— Так — так Ферку!

„Скоти! Поздравкай старшому! Скоти!“ радар ше тупи глас подпоручника Йогана Фогельшойхера.

— Премацце, пане! Не видзели зме! Прешитовали ше обидвоме.

— Скоти! Не видзели же. Zum Teufel!

— Премацце пане, гвари Янко, не видзели зме, бо маме ту бешедя!

Zum Teufel! Достанецеви.

— Па пане премацце! гвари Ферко. Вон идзе дому!

Zum Teufel! Дому?! Скот! Ту ти будзеш!

Янко то не чул, бо вон себе думал, як шедзиц за столом у чолє сцєц и мац, вон зос жену. Дзечи ше валяю по слами. Таргнул ше аж кед ше почало кричац, же неприятель навада.

Гранати лещели една за другу, а воїни лежели. Фогельшойхер шептал: Zum Teufel! Тот пойдзе дому! Скот! Пришол и Гоних.

— Шлеся! овал ше вон. Придзецє ва бруху до мосїи хижочки — знаце, дас сом вше. Дораз пойдземе.

— Роузжим, пане полковнику!

— Шерцо му ше тресло од радосци.

Граната сцадила! Но кузачким часу було шицко цико. Лем витор жубровел свою писю: „Войну сцеш, ту е!

Бутемий М. Тимко.

Винчане таг наслідника престолу одбуло не недавно у Риму. Талиянски наслідник престолу ожепел ше зос белгийску принцезу Марію Жозе. На винчаню заступовал Його Вол. Краля принц Павле.

Скочели з крилатици. У Индийскей провинциі Бирми заласла буря двох французских пилотох и вони, же би ше спашели вискочели зос крилатици помоцу падобранох. Пилоти ше спашели але крилатица знішена.

Гумово патосирац улицох. У Англиі, Францускей, Голандіі и Америкі започали у варошох улици патосирац зос гуму. Гваря, же гума исто тельо тирва мгод бетон и асфалт

а крем того не чую ше коти кед преходза.

Ладя зос пенезми. До Шербургу пришла ладя „Мауретания“, котра принесла суму пенеза од 300 милиони влатних франкох.

Нечесце у воздуху. При НьюЙорку збили ше у воздуху два крилатици. У обидвох було 10 особи, котри шници пастрадали.

Уредзене парламента у Алстриі будзе на тот способ, же над парламентом будзе стац одбор составени од посланих покраинских управительох, а крем того газдовски закони прыношовац будзе економски парламент у котрим буду сами стручняки на економско-социалним полю.

храну зос жеми, и кед ю нема не може ше розвивац. Прето треба коло овоцох нагноїц. Добри хлівни гной вивежеме до заграда и по два фурики гною розруцаме коло дзевка та закопеме. Уж слідуящого року обачиме, же овоц будзе напредовац и принеше красни плод.

Квашна капуста. Дотхторе гуторя, же квашна сирова капуста ма у себе найвецей витамину. Кед то правда теда ю треба цо вецей хасповац.

Як треба доїц крави? Рідко дакто ана добре подоїц краву а то у газдовству важна ствар. При доєню крави треба паметац: 1) Доїц треба фришко, бо кед ше

помали дої крава теда ше траци масц у млеку. 2) Видой до остатней канки, бо на концу млеко наймаснейше. 3) Доїц треба каждого дня у еднакк час. 4) Цицки цагай на зукос а не долу бо вецей ше млека достане. 5) Доїц треба зос шницима 5 пальцами а не лем зос двома. 6) При доєню нігда ше нешме крава биц, але най дакто ей трима подзвягнуту предню ногу кед би була немирна. 7) Пред доєньом добре умци треба руки и вимя та удерац ручніком. 8) При доєню не треба да ше бешедує лебо кури и воопце муши ше буц прихо. Кед крава немирна може ше ей дац лізац грудку солі, та ше умри.



Р. Керестуре, 13. I. 1939. р.
Тогорочни слави празник рождества Христового одбул ше у нашої парохіі весело, радостно и торжественно.
Вирни ше приготозили за того велке шесто на шельтих од церкви одобрени способи т. е. отримованьом девятнох ту рождеству Христовому, зос побоживима схацками ветарама, где ше обучовали у писньох церковних и славели Бога. — Младез едного и другого полу цоволани од пастрох духовних на Християнски науки до Манастиру и до церкви по вечерньох во подаелі и швета, где ше скодзени у шумним числу. Але итак мушине покалоуац, же ше не вкляли у доповольним числу, як би спадало у такей великей парохіі. — Тото левство и незбалотц мушине на слідуящи рок викорениц а помоцу рождох. Виров. з початку крачунского поста приступали у красним числу су св. Гайном покаявни и Гухаюистий, так же приступали *известно од тоо—500 души су св. тайном.* — Розуми ше, же ше и икодеки дзени вкисоведали и приали св. тіло Господне, але на жашности мушине витипи, же ше у школских здавках ище вше не шме од наших святиткох подучовац дзени у катекизу и

библиі, гоч уж шлолски закон вишил и доизбодзел подучеване школских дзедох по святиткох. Ватара ше дзедк подучуюла у манастире.

Торжество Крачуна воздзенину у парохіі дово оскобани шпявацки хор под диригентом пивцо-учителя *Михайла Наредни*, котри ше зос даску и разуменьом владел до своєй роботи. — Исто и женскі хор под водством чч. шестрох Службенидох преславел Рождество Христово зос шшеліякима краснима шпиванками, од котрих вельо прешли и до пароду, па ше шпивали и на святи Крачунски вечар. Вирни на тельо напольшовали церкву, же ше зак осетела цеснота ей, и шници жадаю, да ше красна ланца церкв цо скорей обнови и помалюа.

Тогорочни Руски Календарик шикки су управо розграбени, цо с добри знак: знак напредованю просвїтлого духа.

Шляме и то, же ше у нас вкопала тих дивох и перша артеиска студия, котра нам дава бара дубру воду, цо нам за гнгану вельо поможе.

Так з даску *Боже ступаме до Нового Року и живиме шпиким нашим братом шпиром швета щешлїви нови рок!*



Кеди вайца добри? Кед спец познац, чи вайцо добре, теда найлешше испробуеш так: Еден вельки похар напони зос швижу воду и полож до ней вайцо. Кед вайцо дораз спадне и легне на сподок, теда воно добре и фришке. Дакус старше вайцо, (дас 3—4 дні) дзвига ше зос водн ширшим крайом. Вайцо ста-

ре 2—3 тижні стої у водн и дотика ше узшим крайом сподку. Старе вайцо пліва на водн. Тота розлика постада с того, же ше старе вайцо напони зос воздухом и пліва на водн. Вайца зос цемну шкарупкику леиши су од билих.

Овоцовой дзевка треба гной, бо и овоц як и кажде ростенис потребує



Баня Лука.

Кому не познати бидни обставини наших братох Русинох у Босни! Розвлати на далеко и у вельким худобству живю през своєй церкви. Особено, тоти у Баня Луки своїма власнима силами не годни присц до церкви ані до парохіі. Прето вони зос своім вредним паноцом Латковичом пришли на идею, да помоцу Лутриі збудую свої боски дом. Лутрия одобрена по министеріі а состої ше од 50.000 среброх по 10 Дин. од того будзе 816 агодиткох. И то:

1 агодиток у цеснокох	12.000 Дин
5 агодитки у шивачих машинох	5.000 "
5 " у газдовских машинох по	2.000 "
5 " у потребних стварох за газдїні по	1.000 "
50 " у годанкох по	300 "
100 " у годанкох ва будзене (Векерова) по	150 "
50 " у цеснокох по	100 "
200 " у " " "	50 "
300 " у " " "	10 "

Вицаговане лутриі окончи ше под контролу державних власцох у Банялуки дня 1 юня 1930. року.

Понеже кажда сребка кошта лем 10 Дин., то кажди паш человек, гоч дзедко, гоч одросли у возможности на тот способ помогнуц нашим братом у їх нужди, а крем того ма винатрулку достац даведи од горе спомнутих красних предметох.

Сребки возможно будзе достац у каждам парохиялним уряду.

Най не будзе ані едней рускей хижі, ні едней фамелиі, котра би не купела тот лоз.

Модліме чесни церковни одбори, же би и вони на рахунок церковних касох превжали даскельо лозох.

Понукуйце их своім приятельом и знанцом, же би ше шници одушевели за святу руску ствар. Ми ше надаваме, ми аме прешведчени, же ше шници лози попредаю.

Русили! укажце, же своєюму не даме препаднуц!



Руски Календар. Председательство РИПД, модлі шници превелебни парохийски звания цо прияли Руски Календарі на розпредане, — да шници нерозпредани примярники истих, або за котри предвидза, же ше не годни попредац у их месту — дораз враца Просв.

Дружеству у Р. Керестуре, — бо ту ше вице бара гледаю за купене. Кажди най бара понагля купиц!

Р. И. П. Д.
Михайло Мудри,
председатель.

За шегертох
Условия, котри закон пренписує за шегертох су:

Шегерт, котри сце вичучи дабно ремесло або тарго-
вану не име буц младши од
14 рокох ані старши од 16.
Надидей же авершел основ-
ну школу и же е потполно
здрави. Як шегерт муши
учиц 3 роки

**Шидянска Руска шпо-
ровна каса.**

задруга в ограниченим
вмством.

Перша и єдина руска кре-
дитна задруга у Дринскей
бановини.

Прима уложки на шпо-
рованє и дава на нїх най-

виши камати. Уложки не
винладаю през отказу, а
загарантовани су зос пейц-
разовим емством членох за-
други.

Дава своім членом пожич-
ки по найгунших каматох
на особни кредит, хипотеку
и контокурент (тек. рач.)

Ступайце за членох!

Руски Керестур.

У нашим валале родасли
ше 1929. року: 104 хланци
и 105 дзивчата. Ведно 209.
Умарли през прешли рок
139 особи, а винчали ше
80 пари.

сам перни человек *святости,
единства, вирности, неж-
ности, власц вирску, мал-
женску слогу и порядок.*
То були слова першей брач-
ней любви, хтори вирек
сам человек, да пошведи стан
малженски за шцики вре-
мена, же би бул святи и
испорочни на вики. Но тог
райске идесе першей же-
нїдби не тирвало длого. Зос
ладом мужа и жена сладла,
ведно и висока слава и чесц
женїдби. Цемного поганст-
ва забридаела чистоту и
святости женїдби, и женї-

бели други падали нше нї-
жей и нїжей до вишелїяних
заблужденийох и ганьби,
так же малженски стан по-
стал у поганству *едно стра-
шидо погубености!* Дидзе
не були можни поправки
хибу! Требало Божей! — ви-
шей помощи! Слава Христу
Богу, же пришо и повра-
цел женїтби первобитну чесц
и достоинство, и так помог
мужа и жену, да можу
сполньовац як родичи своєю
воавишени задатки, воспн-
товац дзеци за Царство
Боже!

Мудри М.


Нашо претплатниці

Обновили предплату слїдујуци п. п.:

Папаянко Михайло, млади, Р. К.	на 1929. р.	100	Дин.
Иоп 'нмар, Кледеланд	" "	224	"
Сабалон Михайло, Андришевиц	" "	100	"
Планчак Данило, Стари Вербас	" "	100	"
Арва Дюра, Р. К. 714.	" "	100	"
Балит Йовген, Дюралов	" "	100	"
Ран Осиф, тарговец, Р. К.	на 1930.	100	"
Будински Янко, Р. К. 607.	" "	50	"
Гудак Михайло, Р. К. 682.	" "	100	"
Канюх Йовген, Р. К. 685.	" "	100	"
Сабов Михайло, стари, 364. Р. К.	" "	100	"
Пап Дюнис, тарговец, Р. К.	" "	100	"
Кив Янко, Коцур, 73.	" "	100	"
Сатач Петро, 270. Коцур	" "	100	"
Дорогачи Яков, 55. Коцур	" "	100	"
Мигляк Михайло, млади, Коцур	" "	50	"
Барна Никола, желаничар, Кичаню	" "	25	"
Мудри Михайло, Дюралов 177.	на 1928.	100	"
Будински Дюра, 387. Р. К.	на 1929./30.	200	"
Кольсар Владимир, Дюралов	на 1928./29.	150	"
Надь Янко, Р. К. 902.	на 1928./29.	100	"
Говля Мелания, Р. К. 463.	на 1930.	100	"
Кольсар Павло, тарговец, Коцур	" "	100	"
Сахач Милола, 397. Коцур	на 1929.	100	"
Надь Митро, кров'ї, Петровци	" "	100	"
Медени Яхим, 985. Р. К.	" "	100	"
Бучко Петро, стари, Миклушевиц	" "	100	"
Костелик Микола, Р. К. 357.	" "	100	"
Давчо Дюра, Шид	" "	100	"
Планчак Шацор, Р. К. 526.	" "	100	"
Балит Янко, Дюралов	" "	100	"
Арва Янко, Дюралов	" "	100	"
Горняк Михайло, 673. Дюралов	" "	100	"
Ерделї Янко, студент, Загреб	на 1930.	100	"
Макаї Дюра Р. К. 515	" "	100	"
Планчак Митро, Р. К.	" "	100	"
Гудаш Йовген, Косачич (Горжа)	на 1929./30.	100	"
Дюра Гаргаї, Петровци	на 1929.	50	"
Буила Дюра, Коцур, 430.	" "	100	"
Канюх Михайло, Шид, 207.	" "	100	"
Будински Никола, Р. К. 467.	" "	100	"
Емейля Яков, Коцур, 293.	" "	100	"
Рад Микола, Машков, 710. Р. К.	" "	50	"
Нова Михайло, Р. К. 369.	" "	100	"
Джуджар Микола, Р. К. 637.	" "	100	"
Хришовати Микола, Миклушевиц	" "	100	"
Молнар Дюра, Коцур	на 1930.	100	"
Наради Стефан, тарговец, Р. К.	" "	100	"
Гудаш Янко, Кришевиц	" "	100	"
Харди Дюра, Р. К. 517.	" "	50	"
Дротар Михайло, Коцур, 180.	" "	100	"
Надь Осиф, Мали Илон	" "	100	"
Греко-катол. церк. опшество, Р. К.	" "	100	"
Фа Михайло, байбер, 886. Р. К.	на 1928./29.	150	"

ТАРГОВИНА

Жито	Дин. 205—208—	Овес	Дин. 140—145—
Кукурница	" 115—120—	Мука 0	" 300—310—
Раж	" 150—155—	Мука 2	" 270—275—
Ярец	" 120—125—	Мука 5	" 235—245—



**ВЕСЕЛИ
КУЦИК**

Отровна крив. „Не плаче,
жено, положице мужоя даскельо
пьялки та му будає лопше.“
„Бидли пьялки, чкода пх, бо на-
кеди ше напью криви мойого му-
на шїцки здохли пре отрову
алкохола.“

Векна плаца. „Паня шеф,
модлим нас крашио векну плацу.“
„Прише на ктро.“ „И видера
ше того исто поведли.“ „Так?
Ви таки научили. Лем цо сце
видера питали подянику, а ви и
вника заш питаце.“

Добри квартал. „Но як ше
вам пачи ваш нови квартал?“
„Добре! Я можем виданц през
облак на даскельо километри!“
„А як? То невозможно?“ „Шї-
цко ше може виданц и слунки
и мешац, котри так барз далеко.“

Причина плачу. „Чом пла-
чеш?“ „Бо ме били.“ „А чом
це били?“ „Зато бо сом плакал.“

Добри учитель. „Цо гвої
оцец?“ „Мой оцец учи у „ко-
медї“ жвиря ташцовац.“ „Ци-
гуряо вон и тебе научел.“



ШВЕТОЧНИ ОТПОЧИВОК

Богоявленє.

ЕВАНГ. ОД МАФТЕЯ ГЛ. III.
ЗАЧ. 6.

„Сей ест Син мой воз-
любаски о нем же благо-
волицх“.

При кресценю Христовим
обявела ше швету сама
Пресвята Тройца. Син Бога
бул у сподоби человеческей
у реки Йордану, Дух св.
ше обявел у слики голуба,
а Бог О. дал слас со не-
бесе: „Се ест син мой воз-
люблени“. Св. Тройца є
едино божество, єдина сила.
Особи божи аманї су у
нерозрнимим существу до-
бротї, истинї и любви.
Вони єдин Бог. Св. Тройца
є слика человекї фамелиї
на тим швецє. Мадзи отцом,
мацеру и дзєцком *влада най-
утї единство, яке лем мож
зядумац.* Од фамелиї чло-
вечей походзи слава Божя
на тим швецє, бо вона ше
множи и напильює вселе-
ную. *Фамелия ма силу со-
творительну, и по ней
швет жис.* Зос фамелиї

виходзи тот цепли пламень
по швецє, цо греє шерца
чловечески, да не спадно
до розпуку и очаяня. Тот
горуци, ясни и швидаци
пламень, то *любов роди-
тельска, любов дзєцинска,
любов заручнихох и любов
братска.* Син Божї, Исус
Христос, пришо и пре тогу
любов на тот швет, бо и
вона у *поганству преда-
ла.* Темелї шерца чловечого
почали ше кивац. Да опле-
мени, да закалами до теї
любви своєю божанску лю-
бов обявел ше Исус. Раз-
думуйме то з блїжей!

Перша любов є брачно
у малженским стану. По-
знато нам, же у раю дал
перши благослов на парю
прародителї у их соверше-
ней чистоти сам Г. Бог, а
Адам привитал своєю това-
ришкку зос тима словами:
*„Се нинї кост од костей
моїх, и плот од плоти моеї.
Сия наречетя жена, яко
од мужа своєго взята бист
сила“.* Мойс. I. 23.). Зос
тима словами запечатовал

Виходза раз до тижня. — Цена на цали рок 100 Динари. — За Америку 4 долари на рок. — Рукописк и други писма треба посилати на адресу: „РУСКИ НОВИНИ“ Нови Сад Божовицка улица број 2. — Претплату на Рус. Нар. Просветне Дружтво, Р. Керестур. (Вачка).

За редакцию одитун: Юрий Павич, Војводе Божовица 2. Властитель: Рус. Нар. Просв. Дружтво Рус. Керестур (М. Мудри). Штампарија Учит. Ком. Дружтво „Натшевич“.